

萬有文庫

第二集七百種

王雲五主編

升菴全集

(三)

楊慎著

商務印書館發行

升菴全集

(一)

楊慎著

國學基本叢書

升菴全集二十九卷

七言律詩

孟冬苦寒滇南之行留別江陽親友

昆池滇嶠廿年遊。白首重來未得休。靖節詩篇形贈影。莊周呼應馬兼牛。江花品藻春紅隔。城闕凝光霧紫浮。賞菊探梅還憶我。相思莫吝置書郵。

又

登鱸一望一魂銷。賴有清樽慰寂寥。寵餞江陽殊藹藹。壯遊滇路漫迢迢。梅心柳眼皆春意。棘舞夷歌亦舜韶。猶有多情如杜牧。畫橋明月教吹簫。

舟中留別吳菴蒼崖

夢醒渾疑未別離。止舟却喜似歸時。情親千里勞相送。衰病三秋指遠期。閩左又興秦戍役。殿前曾識漢官儀。琵琶商婦君休聽。恐動天涯貝錦辭。

天池夜宿對楊吳菴

永寧三百六十灘。順流劈箭上流難。來賓霜鴈歲方晏。喚客荒雞星未殘。羸軀肯容老巴國。濯髮真如到涪盤。明日魚鳧關外路。綠纓清淚對君彈。

次郭雲屏登西樓韻二首

說劍論兵邁品流。明時論賞早封留。種衡許國三千牘。德裕籌邊第一樓。城郭笙歌渾不夜。溪山草木未知秋。輕裘已叶前賢事。枉革先寬旅客憂。

又

清香書戟感時流。遷客經過此淹留。零雨多情孫楚堠。月明同夢庾公樓。新梅豔豔爭迎臘。殘菊垂垂尙駐秋。地主多君似嚴武。登臨暇日亦銷憂。

送永寧范商野二桑扶涯際涯北上

永寧山水接江陽。毓秀鍾靈歲月長。五色絲毫爭炫爛。三株瓊樹共芬芳。卿雲影裏芝泥紫。瑞日光中藟榜黃。老我扶衰淹病榻。喜君惜別到文房。

贈嵩明太守羅果齊

肯爲衰翁百里來。蕭條寒館是春臺。世家文藻匡時略。環海謳歌作郡才。芳草已隨江柳發。棠花遙映野梅開。從今詩苑添嘉話。清夢高峴夜夜回。

席上漫興重贈羅果齊

君侯載酒過春城。書戟清香絳燭明。珍重青雲新意象。留連白雪舊歌聲。坐如泥塑還和氣。醉若山頽未盡情。知己相逢難遽別。席間漫興又詩成。

劉虛湖封白石載酒過高峴

荒林遠枉兩高人。仙棹搖搖積水濱。懷舊重過題竹處。尋芳正及賞梅晨。登樓醉水渾無夜。着屐尋山謫

有春。爨舞滇歌元慣見。淪兒巴嬾愧橫陳。

十二月二日張龍山謝高泉敖梅坡余九崖杜晴江梁一江潘東溪携酒過訪高曉

寂寂荒村生冷煙。敢期車從枉羣仙。釣竿未拂珊瑚樹。樽酒重登玳瑁筵。歛豔池塘芳草外。飄飄舟楫早梅邊。高曉滇海留嘉話。剡曲斜川合共傳。

潘東溪都閩惠暖床

老去眞成有髮僧。禪床四大續傳燈。使君高誼來今雨。旅客鄉心履薄冰。寒榻中宵分末照。小樓兩度記同登。交情却勝潘楊穆。孤枕長吟載寢興。

滇海歲暮

村燈社酒簇辛盤。春立星回臘已殘。故國江山遙悵望。浮生節序幾悲歡。寇公心事雷州竹。屈子情辭澧浦蘭。草蓐藜床無雪霰。醉來一枕且偷安。

太守董約山訪予高曉海庄盛言尋甸山水之嘉卽事

使君高誼薄塵寰。邀我尋春慰旅顏。不是蟠胸多磊落。那知絕域有江山。玉杯家學曾親炙。瓊樹風流許重攀。畫戟清香延坐久。村孤城遠漏聲閑。

答昆明尹張極山

南荒遷客重來時。東道主人慰衰遲。相望咫尺雲津樹。限隔一水昆明池。彈琴暇豫宓子賤。戴星出入巫馬期。高曉小樓有懸榻。一樽何日話心知。

次韻謝高泉送余往永昌

鷄足鷺頭遙五嶺。青龍赤虺遠三江。嗅金寧卽非金齒。建木由來是木邦。石上支筇何憚險。雲端飛屐不須雙。衰年憐我同萍梗。麗句勞君韜錦杠。

呂呈貢送官燭柏炭

冷落兼葭水一方。春風桃李近河陽。燭明丈室散花地。炭熾仙家雕玉房。酒伴掀髯呼博塞。歌重炙手暖笙簧。盈盈相望還相憶。剡曲溪邊興未忘。

送梁一江北上

天子萬年昌。歷永春王正月。賀函齊穩流。巴峽飛雲棹。如砥周行進。月題魏闕雙。飛雲裏鳳。文樓二唱卯時鷄。憲臣奏最來青瑣。行見天書陟紫泥。

贈倪江村

倪子江村一草亭。望中雲白見山青。酒杯落魄春浮蟻。書卷縱橫晚聚螢。米芾船邊虹貫月。張騫槎木水涵星。古詩今調三千首。一夜無眠枕上聽。

安寧溫泉董北溪新建碧玉樓

碧玉泉邊碧玉樓。崇幽何羨采真遊。清秋長吟驚山鳥。朱夏閑眠對水鷗。孺子滄浪休濯足。高人剡曲漫回舟。衰年七袞重來此。何限相知半白頭。

陳子昂賦雲物之美
麗而池館之崇幽

送陳少野西上

蒲塞蘭津路阻修。金狻翠駁且淹留。欲攜杯酒歌三疊。又感重英詠二矛。橫水光明誰執訊。探丸赤白自虛投。飄然皓首芝山侶。敢爲將軍借筇籌。

贈謝平山

千里西征見玉人。簷花池草話情親。風流陶令歸何早。文藻桓譚論更新。席上休談當世事。杯中強覓舊時春。坡仙詩句君知否。且鬪樽前見在身。

次任棠山見贈

不貪夜氣識金銀。漫道詩成泣鬼神。耐可炎方禦魍魅。虛傳奕世掌絲綸。乘雲久場南溟翼。濡沫應憐東海臣。珍重高人推轂意。猗膏那解轉方輪。

棠山攜酒過荒館

天燈收後近花朝。爲喜新晴物色饒。其奈鬢絲偏種種。無端心旆正搖搖。望中雲樹三層堡。夢裏霞霜萬里橋。獨有憲臺東道主。酒杯棊局慰蕭條。

歸途始發

重作滇雲萬里征。歸途卻喜遇春晴。一笻歷歷記行店。雙屐頻頻減去程。嶺上聞猿孤枕淚。壁間見蝎故鄉情。烏蒙瘴霧昏眸久。想對江花眼倍明。

題五老圖遙壽張禺山八十

遐筭誰論魏羅結。著書君似范長生。九齡天賜言非夢。五老星飛兆久成。元韵松風時靜聽。仙醴花露日頻傾。永昌不數睢陽社。一鶴南飛寄此情。

柯玉井贈寶劍

金裝寶劍倚崆峒。持贈慚非陸賈功。老境慢勞身出塞。少年空有志平戎。冲霄紫氣璣衡北。照夜清光奎壁東。虎豹潛藏魑魅避。歸來不歎路途窮。

何雙梧徐靜谷相送至廣通

迴磴關頭並馬馳。春風二月送歸時。纔醒何遜梅花夢。又續徐凝瀑布詩。老去故鄉應息駕。天涯再會更無期。月橋分手銷魂處。便是此生長別離。

奚柏軒李西崖許松溪三君子枉過張氏園

海上羣仙貫月槎。辟疆園裏踏晴沙。芊綿薤草開三徑。窈窕穿林似兩家。憂玉敲金君子竹。長紅小白女郎花。流年不用驚華髮。良會何辭醉紫霞。

廣心樓夜宿病中作 七十行戍稿

落窰重逢下石人。七旬衰病命逡巡。藤蘿深菁猿猱穴。瘴癘窮山虎豹隣。枯木幾時霑雨露。戴盆何地見星辰。元夫幸遇睽孤日。寂寞寒灰也望春。

三月十日雲樓上公見訪高嶢邱鴻夫楊子中侍同觀梁徐僧權帖子昂春山勝事卷李伯時九歌圖吳小仙獻香圖

喜逢嚴武解憐才。過訪旌旗駐未迴。黃絹色絲開古帖。綺筵彫俎進深盃。風清畫舫吟芳草。月上應門照綠苔。更與海濱添盛事。千金何用築高臺。

楊林病榻羅果齋太守遠訪 七十行戌稿

荒店晨炊冷竈烟。忽聞五馬暫流連。關山盡是銷魂路。樽酒翻爲迸淚筵。遙想生還成幻夢。縱令死去有誰憐。眼前難縮壺中地。何問靈均楚國天。

遊華亭寺遇雨卽事

華亭高處接諸天。松栢陰森滴覓泉。元默擬尋方外侶。清狂仍共飲中仙。茅容避雨山邊店。宗慤乘風海上船。越女紅裙沾濕好。不須翠黛蹙嬋娟。

董約山太守枉訪高曉同遊太華寺

五馬三旌駐碧雞。松篁昏黑上頭迷。慈雲擾擾珠林北。寶月纖纖紺殿西。佳客興來還笑傲。浮生跡有但羈栖。歸來村叟分雙炬。微徑欹危獨杖藜。

挽錢南川憲副

鼓瑟湘靈夢已先。鳳嬉亭下識君賢。禮闈英妙矜三捷。憲府飛騰羨九遷。丹悃壯遊曾許國。黑頭未老賦歸田。華堂易簣嗟何速。深負如臯射雉年。

劉風山太守見訪高曉

正和漁翁鼓枻吟。忽傳五馬特相臨。清風塵榻紆仙步。細雨柴門聽好音。陶館停雲幽興起。樂庭披霧道

情深不嫌野外無供給。太華峰頭擬共尋。

贈謝高泉

奕世盤盤出大才。早時名姓兆魁台。棟梁昭代占隆吉。風雅明時屬總裁。鷺駟那堪成兩別。隨驕行見出駢胎。涸魚窮鳥如相憶。感寓亭前有鴈回。

柬高泉

鄉國懷歸近有期。燈花先報主人知。曉看飛鴈傳書札。夜夢驚鴻劈荔枝。金伏朱炎殘暑退。瓊枝碧月早秋宜。玉關生入真奇事。投筆斑超又賦詩。

駐節亭餞高泉

萬死投荒七十春。幸逢桑梓話情親。士師柳下難稱枉。漁父蘆中易愴神。往事悠悠如捕影。餘生落落且同塵。濁醪妙理天之祿。好醉樽前掌上身。

封白石工部劉虛湖戶部同訪海庄

搖搖畫舫艤湖東。二妙多情訪病翁。憶別久懷塵榻冷。相逢莫放酒杯空。廿程道路江陽近。千里風烟蜀苑通。有約重攜二桃李。早梅時節醉芳叢。

送高泉謝公回滇周太霞同泛舟

高泉仙棹訪貧家。城上高樓接太霞。坡老旅情昌歎酒。雍陶鄉思米囊花。迢迢紫宙凌風翰。渺渺銀潢貫月槎。岐路不須悲斷梗。吾生今已任瓠瓜。

撫臺游可翁命周生太霞校刻五經傍註因得駐五華精舍晨夕晤語遂有此贈

早從芳潤嗽餘津。理窟年來近道真。瑟捨由求鏗爾對。業同祖謝響然臻。

陶詩周生述孔業祖謝響然臻

懸金呂覽言空翫。

鑊石中郎跡未陳。白首無聞吾獨老。昭昭何用解祥麟。

次雲樓上公韻五月十九日魚池雅會

環衢窈窕錦亭東。珍樹留春綴繡紅。烏度屏風青瘴裏。魚窺明鏡碧瀾中。賓筵鄴下詩篇盛。軍次漁陽鼓角雄。獨有白頭虛授簡。梁園應愧長卿工。

魚池卽席贈玉華南華少華三公子

翩翩清世佳公子。秩秩初筵集上才。宿昔八龍何濩落。于今三鳳喜氍毹。通家會面嗟何晚。良會知音訝許猜。有約高嶠同過我。不論晴雨有花開。

六月十四日病中感懷七十行成稿

七十餘生已白頭。明明律例許歸休。歸休已作巴江叟。重到翻爲滇海囚。遷謫本非明主意。網羅巧中細人謀。故園先隴痴兒女。泉下傷心也淚流。

升菴全集三十卷

七言律詩

病中永訣李張唐三公已未六月

魑魅禦客八千里。義皇上人四十年。怨誹不學離騷侶。正葩仍爲風雅仙。知我罪我春秋筆。今吾故吾道遙篇。中溪半谷池南叟。此意非公誰與傳。

吳高河懋嘗以楊弘山士雲王純菴廷表胡在軒廷祿張半谷舍李中溪元陽唐池南鐫爲楊門六學士以擬蘇門秦黃晁張廖略云余曰得非子子而七乎七子

文藻皆在瀟雲一時盛事余固不敢當也然余之遭妬中害而卒不得還者竟以此不欲言其人姓名如柳子厚傳河間云噫

蘭津橋今名霽虹

漢書載瀾滄謠云。漢廣德。開不賓。度博南。踰蘭津。渡瀾滄。爲他人。卽此地也。土人譌呼爲浪滄云。織鐵懸梯。飛步驚。獨立縹緲。青霄平。騰蛇遊霧。瘴氛惡。孔雀飲江。烟瀨清。蘭津南渡。哀牢國。蒲塞西連。諸葛營。中原回首。踰萬里。懷古思歸。何限情。

昆陽望海

昆明波。濤南紀。雄金碧。滉漾銀河通。平吞萬里象馬國。直下千尺蛟龍宮。天外烟巒分點綴。雲中海樹入空濛。乘槎破浪非吾事。已斬魚竿狎釣翁。

次沐希甫山茶花韻

山茶競開如火然。山城淑氣銷寒煙。幾經南國芳華遠。忽憶上林花信前。賞心避地日多阻。抱病閉門春可憐。黃須紫萼莫相惱。青鏡綠樽非壯年。

浪穹縣

鳬鴈唼喋菱荇光。翡翠搖裔蘭苕芳。古寺雙林帶烟郭。平湖十里通春航。遠夢似曾經此地。遊子恍疑歸故鄉。桃園仇池到處有。萍浮梗泛悲蒼茫。

立春滇郭西看山茶

山國山茶太繁品。春盤春菜先此筵。多情日日花懊惱。無賴家家香接連。河陽少年亦好事。杜陵老翁惟醉眠。歸來瓊枝猶照眼。焰紫然紅君馬前。

春泛晚歸

滇海橫波搖遠天。青峰影在柁樓前。汀蘋嫋嫋風色起。崖草淒淒春興連。漁父濯纓歌鼓枻。姹女當壚工數錢。醉歸不噴無兩炬。東塔已高西月弦。

甲午臨安除歲

去年除夕葉榆澤。今年忽在臨安城。斜看暮景飛騰意。正念天涯流滯情。寒梅判山我欲寄。烟草瀘江誰喚生。隣牆兒女亦無睡。歲火天燈喧五更。

豐祿縣西蘭谷

響水關水繞蘭谷。闌之猗猗環谷芳。瑤渦玉潤湧神漢。綠葉紫莖涵帝漿。湘纍採作美人佩。尼父嗟爲王者香。懷哉千古兩不見。獨立蒼茫愁大荒。

中丞白泉汪公生辰值安南款報至

金隣銅柱貢函來。象渚龍編道路開。上將簡書回北極。中丞勛業冠南臺。擬將萬舞排家宴。欲取饒歌獻壽杯。節鉞可能淹衰鳥。明年何地望三台。

春夕播園

雨砌風簷墮棟花。虫書鳥字遍晴沙。春山載酒馳朝馬。江閣邀賓起暮鴉。陶令葛巾從滲漉。管寧紗帽任欹斜。殊方未覺追隨盡。韋曲風流更爾家。

寄任少海李仁夫

擬折瑤華遺好修。攀援桂樹且淹留。金膏水碧欣相待。翠觀岑青恨獨遊。海動三山任子釣。溪通九曲李仙舟。東南孔雀飛何遠。西北高樓雲自浮。

連雨

江星動天人涉波。淫雨毀山仍漏河。兩崖渾不辨牛馬。千家直恐爲鼃鼃。桑田滿地西成少。桃壘同流東逝多。懸磬反關斷車跡。有客無衣中夜歌。

別周昌言黃孟至

長年三老試登艫。雙鬟小妓唱巴歛。重露桃花辭濤井。輕風楊柳文君壚。可憐鴻臚橫四海。未許鴟夷浮

五湖銷魂從此渺然去。迴首峨眉山月孤。

五丁峽舊傳爲力士開山之地。據史。秦用張儀司馬錯之謀。以珍器美女賂蜀侯而取之。小說迂怪。傳疑可也。遂賦此詩。

峽形千仞立蒼顏。開闢從來有此山。自是美人傾絕國。不緣壯士啓重關。蔡蒙早入梁州貢。庸蜀曾陳牧野間。謠俗流傳難借問。丹青遺跡尙班班。

顧箬溪中丞載酒過滇館

名應祥

濁水清塵十七年。豈知披霧更雲滇。釣竿未拂珊瑚樹。杯酒重登玳瑁筵。春夢依稀蕉鹿後。晨星寥落雪鴻前。逡巡醉寫張顛帖。咫尺忘歸范蠡船。

送蕭凌漢都閫謝病歸蜀

三輔名畿百戰場。青冥鈇鉞白毫霜。謝安儘有平堅策。杜甫曾無掇瑄章。聞道軍威餘細柳。試尋遺愛有甘棠。錦江未許垂綸久。計日仙舟望帝鄉。

鳳翔阻雨兼聞寇未靖撥悶

萬里歸程兩月過。淹留羈旅竟如何。故鄉望處驚烽火。遠道愁時賦蓼莪。秦嶺北來山礙日。河陽南下水增波。竹林向曉鳴鳩急。明日雨聲應更多。

早寒

曉夢驚回聞早鶉。新陽出海散明霞。田隴初生戴星草。園林已發迎春花。山脊炊烟穿高竹。渡口漁船依

淺沙。籃輿有暇可乘興。西崦東臯問煮茶。

賦得江上舟送人

濯錦江邊青翰舟。別情歸思兩悠悠。開帆影遠入雲小。合櫓聲齊和月柔。正擬乘槎上南斗。還思擊楫在中流。新詩懷古兼春興。傳與巴人作棹謳。

寄用貞弟

杜陵巴國苦寒行。李白梁園昨夜情。山葉早梅心萬里。雪窻風竹夢三更。河橋晨別南臯影。江漢春催北鴈聲。回首長安當日下。感時懷汝摠難平。

送馮行健守興化

東方千騎別程催。南浦雙魚幾日回。秋向炎州隨鴈去。春行露冕見花開。中朝奏疏匡時略。窮海歌謠作郡才。上計卽看蒙上賞。仙遊元自接仙台。

王舜鄉尹舜弼往昌平例送

漢陵原廟近長安。唐殿香爐遣從官。月地旌旗屯虎豹。明樓燈火散鷓鴣。稍驚霜堞栖鴉起。轉覺冰橋度馬難。誰似玉堂雙宋玉。郢歌一曲破郊寒。

送楊仲立進士歸省

名儀

鄉國同年十載遙。飛騰次第上雲霄。扶搖去息南溟翼。象緯回瞻北斗杓。楊子談經餘舊閣。相如題柱有遺橋。誰從駟馬尋踪跡。自向玄言賞寂寥。